



**UPRAVA POLICIJE**

Broj: 05-04/06- 11-186 /2024

Dana: 09.02.2024. godine

Na osnovu člana 17. stav (3) i stav (7) člana 18. stav (1), člana 87. stav (1) tačka (b), člana 90. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22), člana 26. i člana 27. stav (3) Zakona o unutrašnjim poslovima Unsko-sanskog kantona („Službeni glasnik USK-a“, broj 13/16, 16/17), te Pravilnika o javnim nabavkama MUP-a USK-a i Uprave policije MUP-a USK-a („Službeni glasnik USK“ broj: 09/23), a rješavajući po zahtjevu broj:05-04/02-2-145/24 od 08.02.2024.g., načelnik Sektora kriminalističke policije Uprave policije Ministarstva unutrašnjih poslova Unsko-sanskog kantona **donosi:**

**POSEBNU ODLUKU**

o pokretanju postupka javne nabavke putem direktnog sporazuma

**Član 1.**

Odobrava se pokretanje postupka javne nabavke putem direktnog sporazuma - veterinarske usluge u toku 2024. godine kao i kupovina roba (vakcine protiv bjesnila, ampule, tablete i slične robe) za potrebe liječenja službenih radnih pasa Jedinice policije za specijalističku podršku Uprave policije MUP USK-a.

**Član 2.**

Vršenje veterinarskih usluga kao i kupovina roba vršiće se do iznosa od 1.000,00 KM bez uračunatog PDV-a, prilaganjem računa za izvršene usluge i kupljenu robu.  
Predmet nabavke nije podijeljen na lotove.

Oznaka i naziv iz JRJN:

- 85200000-1– veterinarske usluge

**Član 3.**

Nabavka iz člana 1. ove Odluke će se provesti putem direktnog sporazuma u skladu sa članom 87. stav 1. tačka (b) i članom 90. Zakonom o javnim nabavkama Bosne i Hercegovine („Službeni glasnik BiH“ broj 39/14, 59/22).

**Član 4.**

Za realizaciju ove Odluke zadužuje se Sektor za materijalno-finansijske poslove i informacijsko-komunikacijske tehnologije Uprave policije MUP USK-a.

**Član 5.**

Sredstva za ovu nabavku planirana su DOB-om (Dokument okvirnog budžeta) Uprave policije MUP USK-a za period 2023.-2025. godina, Zaključak Vlade USK-a broj: 03-017-4763/2022 od 01.07.2022. godine. Predmetna nabavka će se finansirati iz sredstava budžeta Uprave policije MUP USK-a za 2024.godinu.

**Član 6.**

Ova Odluka stupa na snagu danom donošenja.

## Obrazloženje

Sektor uniformisane policije, Jedinica policije za specijalističku podršku Uprave policije MUP USK-a obratila se zahtjevom za odobrenje godišnjeg cijepljenja i čišćenja službenih pasa od crijevnih parazita i čišćenja od vanjskih parazita više puta godišnje kao i liječenje povreda i drugih bolesti. U postupku rješavanja po zahtjevu, utvrđeno je da je isti osnovan i da sadrži potrebne elemente za odlučivanje. Pri donošenju Odluke, Uprava policije MUP USK-a se rukovodila činjenicom da se radi o nabavci veterinarskih usluga koje su potrebne za zaštitu i liječenje službenih radnih pasa. U skladu sa ukazanim potrebama, pored usluga nabavljaće se i robe potrebne za zaštitu istih, te će se nabavka provesti prilaganjem pojedinačnih računa do iznosa od 1.000,00 KM (jednahiljada KM i 00/100) bez uračunatog PDV-a, a sve u skladu sa članom 87. Stav 1. Tačka (b) i član 90. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22).

Sredstva za ovu nabavku su planirana DOB-om (Dokument okvirnog budžeta) Uprave policije MUP USK-a za period 2023.-2025.godina, Zaključak Vlade USK-a broj: 03-017-4763/2022 od 01.07.2022. godine, a predmetna nabavka će se finansirati iz sredstava budžeta Uprave policije MUP USK-a za 2024.godinu.

Članom 17. Stav (1) Zakona o javnim nabavkama BiH („Službeni glasnik BiH“ broj 39/14, 59/22), predviđeno je da ugovorni organ započinje postupak javne nabavke ako je nabavka predviđena u planu nabavki. Izuzetno od stava (1) ovog člana, za nabavke koje nisu predviđene u planu nabavki ugovorni organ donosi posebnu odluku o pokretanju postupka javne nabavke, kojom mijenja plan javnih nabavki. Posebna odluka o pokretanju postupka javne nabavke sadrži podatke iz Plana nabavki.

S obzirom da je predmetni postupak pokrenut ranije, a nije donešen Plan nabavki Uprave policije za 2024.godinu, Ugovorni organ je donio posebnu odluku o pokretanju postupka javne nabavke u skladu s članom 17. Zakona o javnim nabavkama BiH.

Po procjeni Sektora za materijalno-finansijske poslove i informacijsko-komunikacijske tehnologije utvrđeno je da je ova odluka osnovana, odnosno da su stečeni svi potrebni uslovi za odlučivanje

Na osnovu utvrđenog činjeničnog stanja, odlučeno je kao u članu 1. ove Odluke.

Dostavljeno:

1. Sektor za mat. fin.poslove i IKT-za objavu
2. Računovodstvo
3. a/a

  
NAČELNIK  
Sektora kriminalističke policije  
Samostalni inspektor  
Jusuf Mešić

502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560